



Synfocity = 1047

mail us at : mzsinfo@gmail.com; mizoramsynod@gmail.com - Phone - 2314648

August 20, 2026

❑ **Kristian Hla Bu thar Pathian hnenah hlan a ni**

Mizoram Presbyterian Kohhran leh Baptist Church of Mizoram tangkawpin an buatsaih Kristian Hla Bu thar (19th Edition) chu August 14, 2026 (Zirtawpni) chawhnu dar 1 khan Mission Veng Kohhran Biak Inah Rev. John Raldosanga, Mizoram Synod Moderator-in Pathian hnenah hlan.

Hla Bu thar hlanna inkhawm hi Rev. Dr. K. Lallawmzuala, Executive Secretary, Mizoram Synod-in a kaihrui a, Rev. Dr. Rosiamliana Tochwawng, Executive Secretary, Mizoram Synod-in Hla Bu buatsaih dan report a pe a, Rev. John Raldosanga, Synod Moderator chuan Pathian thu Sam 96 : 1-4 a chhiar a, Kristian Hla Bu thar chu a hmangtu apiangten Pathian aw an hriat a, Pathian ropuina puan chhuahna a nih theih nan Pa leh Fapa leh Thlarau Thianghlim hmingin a hlan a ni. Hun tawpah Rev. Dr. C. Lalhungleiana, Executive Secretary, Aizawl Area, BCM-in malsawmnain inkhawm a tin a ni. Hemi hunah hian Mizoram Synod Choir leh Aizawl Area Baptist Choir te an zai bawk.

Kristian Hla bu thar chungchangah hian Synod 2019 Inkhawmpui thurel SEC bawhzuina kal zelah Baptist Kohhran nen ruahmanna siamin Joint Committee din a ni a, September 1, 2023-ah committee hmasa ber thut a ni a, hemi hunah hian Hla Bu Ennawntu Sub Committee din a ni a, an ni hian chak takin hma an la nghal a ni.

Kristian Hla Bu tharah hian hla 650 a awm tawh dawn a, hla thar 70 belhin hla awm sa 20 paih a ni thung. Hla bua dah tharte hi Mizo hla hlui, tunlai hla leh thalai lamin an sak uar deuhte a ni ber. Hla bu thar hi a len zawng (size) chi thum siam a ni a. A man tlawm ber Rs. 250 leh a to ber Rs. 800 a ni ang. Kristian Hla Bu chhuak hmasa ber chu kum 1898 khan Eureka Press, Calcutta-ah chhut a ni a, hla 18 chauh awmin copy 500 chhut a ni.

❑ **Residential Choir Conductors' Training**

August 17-20, 2026 chhung khan Youth Recreation Centre (YRC), Falkland-ah Synod Worship committee buatsaihin Residential Choir Conductors' Training, vawi 30-na neih a ni a, training-ah hian mi 27 an tel.

August 17, 2026 (Thawhtanni) zan khan training hlanna inkhawm neih a ni a, he hun hi Pu John Lalhruiatluanga, Coordinator-in a kaihrui a, T.Upa H. Lalrinmawia, Senior Music Instructor-in inhmelhriattirna leh training kalphung tur te a sawi a, hemi hunah hian NI. DJ Lalvenhimi, Chanmari a zai bawk.

Training chhung hian chhun leh zanah class neih thin a ni a, Synod Music School instructor ten subject hrang hrang - Scales, Technical Name, Conducting, Vocal, Chord, Harmonization, World Music Culture te bakah zai hruaina atana thil pawimawh hrang hrangte an zirtir a ni.

August 20, 2026 (Ningani) zan hian training kharna inkhawm neih a ni ang a, kharna inkhawm hi Pu John Lalhruiatluanga, Coordinator-in a kaihrui ang a, T.Upa H. Lalrinmawia, Senior Music Instructor-in report a pe ang a, Rev. Dr. Rosiamliana Tochwawng, Executive Secretary i/c Worship-in training chhuakte hnenah Certificate hlanin thu a sawi ang.

❑ **KTP**

August 15-16, 2026 chhung khan Chawngtlai Bialah Leadership Training neihpuin Upa Lalbiakfela, Treasurer leh committee member-te, Tv. Lalringliana leh Upa Rex Mawia Th Ngaihte te bakah Synod Choir te an kal.

❑ **SL&PB**

♦ August 16, 2026 (Pathianni) zan khan Vaivakawn Kohhranin Literature Week hawna hun an hman a, he hun hi Rev. P.B. Zosaphara, Editor-in a hmanpui.

♦ August 22-23, 2026 chhung hian Kawrtethawveng Bialah Literature Campaign leh Seminar nei turin Rev. P.B. Zosaphara, Editor, Pu Eric Lalnunmawia, OA leh Upa Dr. Lalthanliana, BEC Member te an kal ang.

❑ **MSSU**

August 22, 2026 (Inrinni) hian Delhi Bialah Sunday School Zirtirtu training neihpui turin trainer-te, Upa B. Lalhmunliana leh Upa Zohmangaiha te an kal ang.

Contd...

❑ **Presbyterian English School (PES)**

August 19, 2026 (Nilaini) khan Rev. Dr. Rosiamliana Tohhawng, Executive Secretary i/c Education leh Upa P.C. Vanlalhruaia, Supervisor of Schools (PES) te chuan Tanhril PES, Luangmual PES leh Chanmari West PES te an tlawh kual a, thawktute nen inkawm hona hun tha tak an hmang.

❑ **Aizawl Theological College (ATC)**

ATC-a Assist. Professor, Rev. Lalhlimpua chuan August 19, 2026 khan Viva Voce tha taka zovin D.Th Degree a dawng a. Rev. Dr. Lalhlimpua hi Sakhaw chungchang (Religion) zirtirtu a ni a. A thesis chu 'Swami Vivekananda's concept of Universal Religion and its relevance for communal harmony in contemporary India' tih a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Sairang Dinthar Bial	Damlo	2	₹ 20,000/-
2.	West Phaileng	Damlo	1	₹ 10,000/-
3.	Champhai Kanan	Damlo	1	₹ 10,000/-
			Belh khawm	₹ 40,000/-

❑ **FM Zoawi - Aizawl & Lunglei : Hruaina Eng Radio Programme**

August 21, 2026 (Zirtawpni) @ 7:30 p.m. :

Solo : Lalhlumawii - Thisen thiltihtheihna, **Zaipawl :** North Vanlaiphai Bial Zaipawl - Khawvel hrehawm i tan, **Thusawi :** Upa Lalkhumtira - Chhungril takna, **Solo :** Elijah Lalrinawma - Vahvaihna thlaler, **Zaipawl :** Mizoram Synod Choir- Chawngzawng pawh hawisan lo tu

❑ **Hruaina Eng TV Programme**

20.8.2026 (Ningani)	08:30 pm : Thupui zir bing
21.8.2026 (Zirtawpni)	05:00 pm : Kristian Naupang Pual
22.8.2026 (Inrinni)	05:30 pm : Puitling Sunday School Zirlai
23.8.2026 (Pathianni)	07:00 am : Sermon - Upa Vanlaldina, Phuaibuang Vengthar
25.8.2026 (Thawhlehi)	06:00 pm : Nilai zan thupui
	08:30 pm : Kohhran Chanchin - Mamit Kohhran

❑ **Moderator leh Executive Secretary-te Programme :**

Rev. John Raldosanga, Moderator Programme:

Aug. 21, 2026	PBS Graduation Day
Aug. 22-23, 2026	Damparengpui Bial
Aug. 25, 2026	PBS zir tur interview Board
Aug. 27, 2026	Central KTP Committee
Aug. 28-31, 2026	Kolkatta Field tlawh

Rev. Dr. V.L. Luaia Hranleh, Senior Executive Secretary Programme:

Aug. 21, 2026	PBS Graduation Day
Aug. 22, 2026	Sihphir Bial Kohhran Committee Seminar
Aug. 23, 2026	MZU Veng Kohhran (Zan)
Aug. 24, 2026	Recruitment Rules Enthatu Committee

Rev. Dr. K. Lallawmzuala, Executive Secretary Programme:

Aug. 22, 2026	Zirlai Viltu Orientation
Aug. 24, 2026	FG&CC Programme
Aug. 25, 2026	CCM Working Committee
Aug. 26, 2026	Campus Ministry Programme
Aug. 27, 2026	Jordan Centre Managing Committee
Aug. 28, 2026	Central Kohhran Hmeichhe Committee

Rev. Dr. Rosiamliana Tohhawng, Executive Secretary Programme:

Aug. 21-24, 2026	Kolalian & Noagang, Tripura - PES & SMB Programme
Aug. 28-31, 2026	Interserve Meeting - Delhi